

類

焦

類雋卷第二十一

勾吳虛舟鄭若庸蔡

山東按察司副使古虞百樓鍾穀

校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩 校正

太學生汪珙校梓

器用類

席

卷釋

釋名云席釋也可卷可釋也

薦藉

釋名云

薦席所以自薦藉也

養體

山堂考索云越席凡

筵所以養體

昭儉

左傳云大路越席昭其儉也

綴純

書云底席綴純注蒔也綴雜線純綠也又

豈席畫純皆天子朝燕之席

橋衡

禮記云奉席

如橋衡請席何鄉請祗何趾

五香

鄴中記云石

季龍作席以金聚五香雜以五采綫編蒲皮綠

之以錦

拾遺

記云滌乘草高五丈葉色如

金形如半月亦曰半月草無花無實其質溫柔

可以爲布爲席**碧蒲**拾遺記云周穆王時西王

母來獻碧蒲之席黃莞之薦**回風**趙飛燕傳云

飛燕爲皇后其女弟上遺回風席翟羽扇**麟文**

西京雜記云燕昭王設麟文席散荃蕪香**不煖**

韓愈云孔席不暇煖**五重**禮云天子之席五重

諸侯三重大夫再重士不重**函**禮云席間函

丈注函容也謂講問之時其席相對丈許也**不**

中禮云爲人子者坐不中席不敢當尊**以異**禮

云羣居五人則長者必異席**鳳**地理志云相

州貢鳳翮席登州貢木葱席

椰葉

唐書云南蠻

環王椰葉爲席

蒲筵

三禮圖云士蒲筵長七尺

廣三尺三寸無純注筵席純綠也

錦緣

曾連子

云不知時與不持譬春不耕也不知行與不行
譬以方爲輪也不知宜與不宜譬以錦緣薦也

取席

論衡云臧文仲不仁者三妾織蒲席家人

取與民爭利

看文

高士傳云老萊子親沒隱蒙

山之陽杞木爲牀著文爲席

不重

吳越春秋云

闔廬居不重席

滅葭

晏子春秋云景公獵休坐

地而食晏子後至滅葭而坐公不悅子獨席何也對曰臣聞介冑坐不席獄訟不席獄戶不席三者皆憂也臣故不敢以憂侍坐公曰善令人下席曰大夫皆席寡人亦席

為問

史記云陳平

以弊席為門

熊滯

呂氏春秋云衛靈公天寒鑿

池宛春諫曰天寒起土恐傷民公曰天寒乎宛春曰公衣狐裘坐熊席敞隅有竈是以不寒

堯

蒲

漢書云文帝莞蒲為席

茅

漢書云田蚡為

葭者避席餘半膝

茅

先賢傳云鄭敬以茅葭

為席

前席

賈誼傳云文帝令誼前席注促席近

聽誼言

壬癸

湘東備錄云申王取猪毛刷爭今

巧工織壬癸席滑而且涼

解經

先賢傳云戴憑

徵博士詔公卿大會群臣皆就席憑獨立世祖問其意對曰博士說經皆不如臣而坐居臣上是以不得就席帝令與諸儒難說帝善之後正旦朝賀令群臣說經更相難詰義有不通輒奪其席以益通者憑遂重坐五十餘席京師語曰解經不窮戴侍中

裂斷

史記云任安與田仁俱

爲衛將軍舍人從衛將軍過平陽公主家令兩
人與騎奴同席食二子拔刀裂斷席別坐主家
怪惡之莫敢問**紫茭**杜陽編云處士伊祈玄上
召入宮設紫茭席色紫而類茭葉光軟香淨冬
溫夏涼此本烏弋山離國獻**四銘**大戴禮云武
王踐阼席前左端銘曰安樂必敬前右端曰無
行何悔後左端曰民一及一側爾不可不念後
右端曰所鑒不遠視爾所代**採菹**謝眺云本生
朝夕地落景照參差汀洲蔽杜若幽渚奪江籬

遇君時採擷玉坐奉金卮但願羅衣拂無使素
塵彌麗飾柳渾云照日汀洲際搖風淥潭側雖
無獨重絲幸有青袍色羅袖少輕塵象牀多麗
飾願君蘭夜飲佳人時晏息

屏風

障風

釋名云屏風障風也

杲恩

古今註云杲恩

屏也漢文帝紀又作伏思君朝行至內屏思惟
故曰杲恩崔褒禮記云天子當褒而立注褒褒
斧文屏風又釋名云褒在後所依倚也皇朝周

禮云掌次王大旅上帝則設壇案張皇邸天官
大旅上帝祭天於圓丘張壇案壇為案於幄中
以皇羽覆上邸後板也羽象鳳凰羽色為之注
謂以板為屏風又以鳳凰羽飾之此謂王坐所
置者也又禹貢羽畎夏翟後世無夏翟故周禮
鍾氏染鳥羽象鳳凰色以為之覆於板上明堂
位及司几筵皆云人屨此不在寢廟無屋故不
得云人故別名皇邸唐書禮樂志云受釐皇邸
回蹕駐宮

黼衣

周禮云司几筵凡封國命諸侯

王位設黼辰**通甲**洞冥記云上起神明臺上有

金牀象席雜玉爲龜甲屏風**頭觸**前漢書云陳

萬年子咸數言事譏刺近臣萬年病召咸牀下

戒之語至半夜咸睡頭觸屏萬年大怒曰乃公

教汝不聽何也咸曰具曉所言大要教咸諂耳

萬年乃不復言**撤屏**東觀漢記云宋弘常燕見

御座新施屏風畫列女帝數顧視之弘正容言

曰未見好德如好色者上即爲撤之**墮座**吳錄

云景帝時紀亮爲尚書令子隲爲中書令每朝

詔以御屏風隔其座

並後

京兆舊事云杜陵蕭

彪字伯文爲巴郡太守以父老歸養父有客常

立屏風後自應使令

命銘

三輔决錄云何敞爲

汝南太守章帝南巡過郡有雕鏤屏風爲帝設

之命侍中黃香銘之曰古典務農雕鏤傷民忠

在竭節義在修身

點蠅

吳錄云曹不興善畫屏

風誤落筆點素因就以作蠅權以爲生蠅舉手

彈之

置屏

謝承後漢書云鄭弘爲太尉時舉第

五倫爲司空班次在下每正朔朝見弘曲躬自

早上問知其故遂聽置雲母屏風分隔其間由
此爲故事**雲母**西京雜記云趙飛燕爲皇后上
遺其女弟雲母屏風迴風席七華扇**賜屏**魏志
云太祖平柳城頒所獲器物有素屏風持以賜
毛玠曰君有古人之風故賜君古人之器**火齊**
拾遺記云黃偃常臥延清之室上設火齊屏風
列靈麻之燭又云有紫琉璃屏風**白字**王琰宋
春秋云明帝性多忌諱禁制者數十百品亦惡
白字屏風書來名有白字輒易玄黃朱紫隨宜

代焉

鏤圖

古今注云孫亮作琉璃屏風鏤作瑞

應圖一百二十種

金鈿

鄴中記云石季龍作金

鈿屈戍屏風蒙以白練畫義士仙人禽獸

列疏

唐書云魏徵疏奏帝曰方以所上疏列爲屏障

庶朝夕見之

家誠

唐書云房玄齡集古今家誠

書屏風

連屏

李絳傳云帝詔絳等收次君臣成

敗五十種爲連屏張便坐帝每閱視顧左右口

而等宜作意勿爲如此事

虹蜺

太真外傳云玄

宗有屏風名虹蜺雕刻精巧殆非人力所到乃

隋文帝造賜義成公主者墮在北胡貞觀初滅
胡與蕭后同歸中國云**手文**唐宋遺史云明皇
所幸美人王氏數夢人召飲具言於上曰此必
術士所爲若再往以物誌之其夕夢中人往因
就硯中濡手印於屏風上寤以告帝索於外果
於東明觀中得其手文道士已遁去**水晶**楊妃
外傳云水晶屏上刻美人形可二三寸妃嘗遺
國忠置之樓上常偃息其下一日國忠獨臥屏
上諸女悉下各自叙姓名皆傳記最著者國忠

驚叱之悉復歸屏未幾果敗

懸

杜陽編云元

載嘗居芸暉堂戶內設懸黎屏本揚國忠之寶

也屏上刻前代美女妓樂之形雜以玳瑁水犀

真珠瑟瑟極其精妙

衣

鄴中記云石季龍作

金鈿漆屏風衣以白縑畫義士仙人禽獸

琉璃

語林云武秋體羸惡風侍坐晉武帝屢顧看雲

母幌帝笑之武曰北窻琉璃屏實密似踈帝有

慙色

直方

李尤云舍則潛避用則設張立必端

直處必廉方雍闕風雅霧露是抗奉上蔽下不

失其常

清防

顏延年云踟躕清防密注清防屏

風也

謝賚

劉孝威謝賚屏風云昔紀亮所隔珍

雲母武秋顧上貴琉璃豈若寫臺之基拂崑山
之碧畫巧吳筆素踰魏賜馮商莫能賦李尤誰
敢銘**含影**梁簡文帝云極班馬之巧兼曹史之
盧均天台之翠壁雜水葉之嘉名雲母之窻慙
其麗色琉璃之扇愧其含影**金鸞**李賀云金鸞
屏風蜀山夢

杖

賜齒

周禮云夏官伊耆氏掌供王之齒杖謂賜

老者杖供其杖函藏之既事受之

靈壽

後漢書

云賜孔光靈壽杖又廣志云九真國出靈壽杖

麟角

劉向別錄云有麒麟角杖

飾鳩

續漢書云

仲秋按戶北民年七十者授之玉杖杖端以鳩

爲飾鳩食不噎之鳥故取之

桃枝

魏書云武帝

賜楊彪銀角桃枝杖一枚

執末

禮記云獻杖者

執末

蝦鬚

嶺表異錄云海中有大蝦鬚可爲杖

長丈餘

荷條

論語云子路從而後遇丈人以杖

荷蓀子路問曰子見夫子乎丈人曰四體不勤
五穀不分孰爲夫子植其杖而耘書拾遺記
云麋竺旁家有古冢夜聞泣聲尋見一婦云漢
末爲赤眉剖棺見剥乞弊衣自掩竺從其言復
見婦云君應遭火厄今遺君青蘆杖一枚奉報
後鄰人見竺家有青氣如龍蛇之形旬日火從
庫起燒其珠玉十分遺一火盛之時見青衣童
十數來撲火即滅放杖莊子云神農暴然放杖
而笑注爆放杖聲抱問呂氏春秋云孔子見弟

子抱杖而問其父母柱杖而問其兄弟曳杖而問其妻子尊卑之差也

化杖

山海經云夸父逐

日而死棄杖化爲鄧林

叩頤

論語云原壤夷侯

孔子以杖叩其脛

負手

禮記云孔子蚤作負手

曳杖逍遙於門歌曰泰山其頽乎梁木其壞乎

哲人其萎乎寢疾七日而卒

杖藜

莊子云子夏

乘大馬軒車不容巷往見原憲原憲杖藜應門

杖藜

搜神記云漢文帝微服過魯少千柱金杖

出應門

叩頤

史記云張騫云臣前在大夏時見

邛竹杖蜀布問安得此大夏人曰賈人往市之
身葬在大夏東南數千里云**出**拾遺記云劉
向校書天祿閣專精覃思夜有老人着黃衣植
藜杖杖端出火用以照向具問之答曰我是太
一之精天帝聞金卯之姓有博學者下而觀焉
乃出懷中竹牒有天文地圖之書以授之**九節**
劉根別傳云漢武帝登少室見一女子有九節
杖又神仙傳云王遙遇雨令弟子以九節杖擔
篋不濕**化龍**神仙傳云壺公遺費長房歸與一

竹杖曰騎此還家以投葛陂中長房騎杖忽然
如眠便到家以杖投葛陂顧之乃青龍也化
宣室志云楊隱之謁唐先生將歸先生以杖畫
地視其庭忽化懸崖萬仞崑谷重疊謂隱之曰
陵谷遞阡子將安歸隱之泣告乃以帚掃之庭
戶如故乃歸

刻塔塔寺記云謝尚嘗夢其父告
曰西南有氣至衝人必死惟建塔寺可禳若杖
頭刻塔形見有氣來可擬之尚如言置杖果有
黑氣衝尚家以杖指之氣即起散闔家獲全氣

分類全方二二

所經處數里無孑遺**木** 五代史云契丹犯京

師王遣牙將王峻奉表契丹耶律德光呼之為

兒賜一木枴虜法貴之如中國几杖非優大臣

不可得峻持歸虜望之避道**立節** 傳咸云立此

高節永世矜式**乘危** 郅澆云邛竹籍舊聞靈壽

資前識後有冒霜筠寄生桂潭側文彩既班爛

質性甚綱直所以天天真為有乘危力未嘗以

過投屢經芸苗植**不** 王祭云茲杖靈木以介

眉壽奇幹直正不待矯揉據斯直杖杖之爰茂

扶危 郭璞云叢薄幽蒼從風蔚猗簞以寧寐杖以扶危 **扶耆** 殷允植云德扶耆捨杖焉資輔相天地匪賢而誰

鏡

光景 釋名云鏡景也有光景也 **玄錫** 淮南子云

明鏡之始型朦然及粉之以玄錫劇之以白旃則鬚毛可得而察 **益** 胡曾云古鏡以金膏金之舉以照日必影徹牆壁 **照形** 魏元忠云明鑑所以照形往事所以知今 **觀面** 韓子云目短於

自見故以鏡觀面智短於自知故以道正己鏡
無見疵之罪道無明過之惡目失鏡無以鑒鬚
眉身失道無以知迷惑**勝物**莊子云至人之用
心也若鏡不將不迎應而不藏故勝物而無傷
耀明符子云心善知人者看如明鏡鏡以耀明
故鑒人也**見醜**淮南子云人舉其疵則怨人鑑
見其醜則善鑒**不設**文子云鏡不設形故能有
形**無為**申子云鏡無為而美惡自備**照察**抱朴
子云以明鏡九寸懸於背老魅不敢近若鳥獸

邪物照之皆見本形**傾冠**抱朴子云明鏡舉則

傾冠見矣**雞舞**異苑云山雞愛其毛羽映水則

舞魏武帝持南方進之以大鏡著其前雞鑒形

而舞**菱花**魏書云武帝有菱花鏡**人齊**王子年

拾遺記云穆王時渠國貢火齊鏡人語則鏡響

應**四窺**抱朴子云明鏡或用一用二謂之四窺

鏡**玉榮**東方朔云玉之榮石之精表如日光裏

如衆星兩人相覩相知情此名爲鏡**照骨**酉陽

雜俎云儻溪石崖窟中有方鏡徑丈餘照人五

藏秦皇號爲照骨寶在無勞縣山境

寶匣

酉陽

雜俎云元和初海陵夏侯一庭前生百合花大倍常品因發其下得甕匣十三重各匣一鏡第七者光不蝕照日花環一丈其餘規銅而已

寫

形陸機云仁壽殿前有大方銅鏡高五尺餘廣三尺二寸暗著庭中向之便寫人形體

珠光

孝

經援神契云神靈滋液百寶用則幾鏡出宋均注大珠有光可爲鏡

石鏡

拾遺記云周穆王時

有石色白如月照面如雪謂之月鏡

石鏡

呂氏

春秋云萬乘之主人之阿亦甚矣而無所鏡其
殘亡無日矣孰當可鏡其唯士人乎鏡明已也
功細士明已也功大**金錯**魏武帝雜器物疏云
有尺二金錯鐵鏡一枚**蓋卮**淮南子云宮人得
戟則以刈葵盲者得鏡則以蓋卮盲者不可貽
以鏡亂王不可舉其疵**失玉**尚書帝命期云桀
失玉鏡用其噬獸注玉鏡喻清明之人噬獸謂
暴**失金**考靈耀云秦失金鏡魚目入珠注金鏡
喻明也**銀臺**魏武雜物疏云宮中有純銀臺鏡

一 **玉鏡臺**

世說云劉聰為玉鏡臺溫嶠碎為劉越

石長史北征得之後娶姑女下為聘

玉鏡臺

東宮

舊事云皇太子納妃有瑋瑋細鏤鏡臺一

瑋瑋

異苑云劉賓王獲一鸞懸鏡以照之鸞覩影乃

悲鳴而舞

自視

史記云鄒忌衣朝衣冠問妻妾

曰我何如城北徐公美皆曰美明日徐來窺鏡

自視始知不如徐公之色遠矣

照心

西京雜記

云秦始皇有方鏡照見心膽女子有邪心者即

膽張心動然者始皇輒殺之

見腸

西京雜記云

高祖入咸陽宮得方鏡廣四尺九寸表裏有明
人來照之影不例見以手捧心可照腸胃五臟
歷然無疑**照疾**異聞集云隋王度有寶鏡歲疫
度令僕持鏡詣里有疾者照之即愈皆云龍駒
持一月來光彩破體清凉而愈**割瘕**三水小牘
云元稹登黃鶴樓望江濱有光若星就視得一
鯉剖其腹有古鏡如錢大背有雙龍口常吐光
紫珍異聞集云王度常夢一人朱冠紫衣曰我
鏡神名紫珍**寶珠**海內玉品子云徐孺子嘗事

江夏黃公公卒孺子往會葬無行資齎摩鏡具
自隨每所在賃摩鏡取給然後得達既至祭畢
而還**表墓**蜀王本記云武都丈夫化爲女顏色
美好蓋山精也王娶爲夫人無幾物故王於武
都擔土於成都葬之蓋地三畝號曰武擔以石
作鏡一枚表其墓**須臾**神仙傳云負局先生語
似燕代人因磨鏡輒問主人無有疾苦者若有
輒出紫丸赤藥與之**視廳**抱朴子云張蓋踊及
偶蒙成二人精思於蜀雲臺山石室中忽有四

人黃絹單衣葛巾往至其前曰勞乎二人顧視鏡中乃鹿也**照天**續搜神記云林慮山下有一亭人過此宿者多病死有郅伯夷者宿此明燭而坐中夜忽十餘人來自共蒲博伯夷以鏡照之乃群犬也**撲地**蜀志云魏夏侯惇從征呂布爲流矢所中傷左目時夏侯淵與惇爲將軍軍中號惇爲盲夏侯惇怒之每覽照大怒輒撲照着地又張裕曉相術每舉鏡視面目自知刑死未嘗不撲之于地**不**唐書云路隋父被勢虜

中母告以貌絕類子遂終身不引鏡又韓臯貌類父既孤不復臨鏡說文開元遺事云宋璟未第時因於日中覽鏡影成相字璟因此自負表則博異記云天寶中陳仲躬井中有鏡自云敬穎又曰本師曠所鑄十二鏡之第七仲躬後交戰累勝爲大官其鏡背有二十六字科蚪書曰維晉新公二年七月七日午時於首陽山前白龍潭鑄成此鏡背上環書一字管天文一宿依方列之左日右月龜龍虎雀各一方安焉於鼻

下題曰夷則之鏡

陰精

龍城錄云長安任仲宣

家畜寶示之識者謂三代物後有文皆篆籍八

字僅可讀曰水銀飛精百煉成鏡後仲宣南浮

洞庭風濤洶湧因泊舟夢道士赤衣乘龍詔仲

宣言此鏡乃水府至寶當歸我矣因持鏡去覺

失鏡所在

三鑑

唐書云魏證薨太宗臨朝嘆曰

以銅爲鑑可正衣冠以古爲鑑可知興替以人

爲鑑可明得失朕常保此三鑑內防已過今魏

證逝一鑑忘矣

不察

唐書云韓休同平章事帝

嘗引鑑照不樂左右曰自韓休入朝陛下無一日歡何自戚戚不逐去之帝曰吾雖瘠天下肥矣

網得

王歆松窓錄云漁者投網秦淮覺異當

極力舉得一鏡照之歷歷見五藏六腑驚懼矣

墜後萬計終不獲

鑑

九國志云蜀王宗壽嘗

得一鏡晦不可覽屢令工人營之無所覩置巾

奩中或日偶覽之光彩煥發因見青衣卍角小

兒獨坐市舍中函令人訪之果來曰鐵鏡神物

公宜見還出鏡與之長揖去

照

陸士衡云形

過鏡則照第**對鳳**謝眺云玲瓏類丹楹迢亭似

玄闕對鳳臨清水垂范掛明月照粉拂紅粧插

花理雲髮玉顏徒自見常畏君情歇**合睡**梁簡

文帝云鑑銖恒在側誰言覽鏡稀如水不見水

似扇長含暉脫入相如手疑言趙璧歸**斤米**庾

信云玉匣聊開鏡輕灰髻拭塵光如一片水影

照兩邊人月生無有桂花開不逐春試挂淮南

竹堪能見四隣**希**何遜云玉匣開覽形寶臺

臨爭飾對影每含笑看光時轉側羽釵如何問

金鈿畏相逼蕩子行未歸啼粧坐相憶

影

朱

超道云折花須目挿不用暫臨池當猶可憐面
偏與鏡相宜安釵釧獨響刷鬢袖俱移唯餘心
裏恨影中恒不知

讀

劉媛云夜籌已竭曉鍾

將絕窓外明來帷前影滅階邊就水盤中光映

訝宿粧之猶調笑殘黃之不正欲開奩而更飾

乃當窓而取鏡

龍圖

度信云鏡臺銀帶本出魏

宮能橫却月巧挂迴風龍垂匣外鳳倚花中山

雞看而獨舞海鳥見而孤鳴臨水則池中月出

照日則壁上菱生懸影簡文帝云金精石映水

暉沼清高堂懸影仁壽搗聲雲間月見水淨珠

明良史傳咸云不有心於好醜而衆形其必詳

同寶錄于良史隨善惡而是彰鳳臺季巨仁云

魏宮知本姓秦樓識舊名鳳從臺上出龍就匣

中生無波菱自動不夜月恒明非唯照佳麗復

得厭山精容成司空圖云容成侯金炯云云謂

鏡秦曉姚崇云秦樓明鏡鑒有餘輝色自凝曉

光能洞微光發孟浩然云妾有盤龍鏡青光常

晝發自從生塵埃有若霧中月愁來試取照坐
歎生白髮寄語塞邊人如何久離別
元稹王建
云嫁時明鏡老猶在黃金鏤畫雙鳳背憶昔咸
陽初買來燈前自繡芙蓉帶十年不開一片鏤
長向暗中梳白髮今日後牀重照看生死終當
此長別

扇

逐暑春秋繁露云美事召美類惡事召惡類如
馬鳴則馬應之故以龍致雨以扇逐暑軍之所

處生以棘楚美惡有從來也

披裘

淮南子云失

火鑿池披裘而扇

用髮

淮南子云夏不披裘非

愛之煖有餘也冬不用髮非簡之清有餘也

五

明 崔豹古今注云舜廣開視聽求賢人以自輔

作五明扇漢公卿大夫皆用之魏晉非乘輿不

得用

鵲翅

拾遺記云周昭王時塗修國獻青鳳

丹鵲各一雌一雄孟夏取鵲翅爲扇一名條融

一名反景

七輪

古今注云長安巧工丁謏作七

輪扇連七輪大皆徑丈一人運之則滿堂寒戰

同心

東宮舊事云皇太子初拜供漆要扇青竹

扇各一太子納妃供同心扇三十單竹扇二十

作筵

世本云武王始作筵又楊雄云關東謂之

筵關以西謂之扇**禁緝**晉中興書云安帝義熙

中禁絹扇及樗蒲扇**長柄**古今注云障扇長柄

扇也漢世多豪俠象雉尾而製長扇**七華**古今

注云趙飛燕爲皇后上遣賜雲母扇五明扇七

華扇翟扇蟬翼扇**暉雀**宋書云孝武賜吳興太

守何戢蟬雀扇顧影所畫時吳郡陸探微顧寶

先皆能畫者並歎其巧絕

雲母

鄴中記云石虎

作雲母五明金簿莫難扇簿打純金如蟬翼二
面彩漆畫列仙奇鳥異獸雲母帖其中彩色明
徹虎出時用此扇挾乘輿又有象牙桃枝扇或
綠沉色或木蘭色或作紫紺色或作蠶金色

光

光杜陽編云上崇奉釋氏新羅國獻萬佛山上
因置九光扇于巖巘間四月八日召兩街僧入
內道場禮萬佛山觀九色光於殿中咸請之佛
光即九光扇也

龍皮

開元遺事云王元寶家有

一皮扇製作甚質每暑月宴客置於座傍使水
洒之颯然風至明皇曾遣中使取之曰此龍皮

也**擁暘**帝王世紀云武王見暘人擁而扇之**竇**

扇列仙傳云介推入介山從伯陽遊被世見在

東海賣扇**扇**東觀漢記云黃香至孝夏以扇

侍于親側時扇枕席**象**搜神記云魯少千山

陽人漢文帝微服懷金欲問其道少千執象牙

扇出應門**掖**漢書云張敞無威儀時罷朝會

過走馬章臺街使御吏前驅自以便面拊馬注

便面扇類也

遺勞

古今注云朱買臣爲會稽太

守懷章綬至垠合國人未知盛勃勞之曰得無
疲乎遺以純扇買臣至郡引爲上客

擁身

續漢

書云梁異作擁身扇

揮軍

語林云諸葛武侯與

晉宣帝戰於涓濱乘素輿著葛巾捉白羽扇指

揮三軍

屏面

漢書云王莽用方技待詔黃門或

問莽形貌待詔曰莽所謂鴟目虎吻豺狼之聲

故能食之亦當爲之所食問者告莽課戒待詔

而封告者彼嘗翳雲母屏面非親近莫能見注

屏面即便面蓋扇類**畫**搜神記云吳猛將弟

子回豫章江水大急人不得度猛以手中扇畫

江遂成橫陸徐行而過過訖水復然**仁風**晉書

云袁宏爲東陽太守謝安授以一扇贈曰宏曰

即當奉楊仁風慰彼黎庶**蒲葵**晉書云謝安卿

人有罷中宿縣者詣安安問歸資答曰唯有五

萬蒲葵扇又以非時安乃取其中者執之士庶

競慕價溢數倍**獻**語林云瘦庾爲荊州都督

以毛扇上城帝帝疑是或物侍中劉劭曰栢梁

雲楫工匠先居其下管絃繁奏夔牙先聆其音
虞之此扇以好不以新**揮羽**晉書云廣陵相陳
敏反留顧榮其卓等與共舉事榮初僞與和既
而說卓共攻之榮先歛舟於南岸敏率萬人將
出戰榮自麾以羽扇敏衆大潰**六扇**晉書云王
羲之居籤山見一老姥持六角扇賣之羲之書
其扇各爲五字姥初歎惋因謂姥曰但言是王
右軍書以求百錢姥如其言人競買之後姥復
持扇來請書羲之笑而不答**製歌**晉書云中書

令王珉與嫂婢私嫂撻婢甚苦婢素善歌而珉

好執白團扇故製白團扇歌云團扇復團扇手

持自障面憔悴無復理羞與郎相見敬塵晉書

云庾亮出鎮於外以帝舅內執朝權王導不能

平嘗遇西風輒舉扇自蔽曰元規塵汚人嶽書

宋書云范曄謀逆被繫上有白團扇甚佳送曄

令書詩賦美句曄書曰去白日之昭昭襲長夜

之悠悠上覽之悵然揮齊書云蕭子顯頗負

才氣及掌選見凡流賓客不與交言但舉扇一

揮而已衣冠恨之

圖

南史云齊竟陵王子良

之孫賁於扇上圖山水咫尺之內便覺萬里爲

遙

書

梁書云柳渾有句曰亭皋木葉下隴首

秋雲飛王融見之而嘆因書齋壁及所執白團

扇又世說云羊孚作雪贊云資清以化乘氣以

霏值象能鮮於潔成擘桓簡書之扇上

綴

梁

書云張敷生而母亡數歲便知感慕求母遺物

散施已盡唯得一畫扇乃緘錄之每至感思輒

開筭流涕

臨

齊書云劉祥字顯微輕言肆行

不避高下建元中爲正員郎司徒褚彥回入朝以腰扇障日祥從側過曰作如此舉止蓋而見人扇障何益彥回曰寒士不避祥曰不能賣裘劉安得免寒士

不書

梁書云羊欣字敬元會稽

王世子元顯每使書扇常不奉命元顯怒乃以爲後軍府舍人

進殿

張九齡云九齡既戾上旨

恐爲李林甫所危因進白羽扇賦云常時而用任物所長彼鴻鶴之弱羽出江湖之下方安知煩暑可敵清涼豈無絛素彩畫文章捉携密邇

搥動馨香惟衆珍之在御何短羽之敢當與竊
恩於聖后且見持於未央伊昔皋澤之時亦有
雲霄之志苟效用之得所雖殺身而何忌肅肅
烏羽穆如清風縱秋氣之移奪終感恩於篋中

九華

曹植云昔吾先君常侍得幸漢桓帝賜尚

方竹扇名曰九華因賦曰形五濼而九折篠釐
解而縷分微扎龍之蜿蜒法雲霓之網組因形
致好不常厥儀方不應矩圓不中規**誤取**吳越
備史云王元俊精於圖畫嘗狀一扇于齋中壁

上客至遂誤取之 **奏翅** 陸士衡云彼凌霄之丹

老鳥播鮮輝之慈情隱九臬以鳳鳴游方田而

龍見累懷壁於美羽挫千歲兮一箭委曲體以

受制奏雙翅而爲扇 **學月** 何遜云如珪信非玷

學月且爲輪機杼靡蕪妾裁縫篋笥人搖風入

素手招曲掩丹唇羅袖幸時拂微芳聊可因 **絕**

素 班婕妤云新裂齊紈素皎潔如霜雪裁爲合

歡扇圓圓似明月出入君懷袖搖動微風發常

恐秋節至涼颺奪炎熱捐棄篋笥中恩情中道

絕楚竹

周弘正云齊統將楚竹從來本相遠將

申湘女悲宜並班姬怨

七寶

王獻之云七寶盡

團扇粲爛明月光與郎却暄暑相憶莫相忘

駭

雞

丘巨源云妙經貴冬夏巧妖出吳闈裁狀白

玉璧縫似明月輪表裏鏤七寶中御駭雞珍畫

作景山樹岡爲河洛神來延揮搗玩入與銀釧

親生風長袖際晞華紅粉津倩盼迎騎意隱暎

合歡人

蟬翼

許詢云良工眇芳林妙思觸物騁

茂凝秋蟬翼團取望舒景

動音

許倪破扇云蔽

日無全影搖風有半涼不堪障巧笑猶足動衣
香機素江淹云紈扇如圓月出自機中素盡作
秦王女乘鸞向煙霧彩色世所重雖新不代故
切愁涼風至吹我玉階樹君子恩未畢零落在
中路清暑劉禹錫云團扇復團扇奉君清暑殿
秋風入庭樹從此不相見上有乘鸞女蒼蒼垂
網徧明年入懷袖別是機中線

燈

燈

說文云錠謂之燈韻集曰無足曰燈有足

曰錠

青玉

西京雜記云漢高祖入咸陽宮秦有

青玉五枝燈高七尺五寸下作蟠螭口啣燈然

則鱗甲皆動煥炳若列星

恒滿

西京雜記云長

安巧工丁諤作恒滿燈九龍五鳳雜以芙蓉連

藕之奇

龍膏

拾遺記云海人乘霞舟以雕囊盛

數升龍膏以獻燕昭王王坐通雲之堂亦曰通

霞臺然龍膏爲燈火色曜百里煙色丹

蛭脂

淮

南萬畢術云取蛭脂爲燈置水中即見諸物

常

生拾遺記云周穆王設長生之燈以自照列璠

膏之燭徧於宮內行有鳳腦之燈以永荷蓋其

上

百枝

天寶遺事云韓國夫人造百枝燈高八

十尺然之光照數里

百華

秦故事云百華燈樹

上月朔朝賀於殿下設於三階之間端門外設

五尺三尺燈日照星明雖夜猶晝

芳枝

洞冥記

云漢武帝然芳枝燈於閣上光色紫有白鳳黑

冠黑龍弄足來戲於閣

豹髓

洞冥記云丹豹髓

白鳳膏磨青錫爲屑以淳蘇油和之照於神壇

夜暴雨火光不滅

照護

鄴中記云石虎正旦會

於殿前設百二十枝燈

九光

漢武帝傳云西王

母遣使謂帝曰七月七日我當暫來帝至日婦

除然九光燈

占瑞

西京雜記云樊噲問陸賈曰

自古人君受命於天豈有瑞應乎賈曰目暎得

食燈花得財乾鵲噪而行人至蜘蛛集而百事

喜小既有徵太亦宜然

正坐

漢書云采奕女爲

陰瑜妻夫亡奕逼嫁與太原郭奕采入郭氏室

暮乃去惟帳建四燈欵色正坐郭氏不敢逼

窟

籠沈約宋書云高祖清簡寡欲牀頭有土障壁

上有葛燈籠**鬼見**語林云燈中散燈下彈琴忽

有一人面甚小期須轉大遂長尺餘單衣革帶

稽視之既熟吹其燈滅曰吾耻與鬼魅爭光**掌**

聘晉書云佛圖澄預知劉曜之敗令童子潔齋

七日取麻油合燕支躬自研於掌中舉示童子

粲然有輝童子驚曰有軍馬甚衆見一人長大

白皙以朱條縛其肘澄曰此即曜也勒甚悅遂

赴洛拒曜生擒之**自煎**漢書云膏以明自煎又

文子云膏以明自銷**金釭**班固云金釭唧壁是

爲列錢注燈盞列於室有似列錢金羊李虛元
賢哲勉移惟日不足金羊載輝作名以績衍光
謝朓云發翠斜溪裏蓄寶岩山峯抽莖類仙掌
衍光似燭龍飛蛾再三繞輕花四五重孤對相
思夕牢照舞衣縫餘耀紀少瑜云殘燈猶未滅
將盡更揚暉惟餘一兩爛裁得解羅衣悅容王
筠云百花羅九枝鳴鶴映水池朱光木內照丹
花復外垂流暉悅嘉客翻影泣生離自銷良不
悔明白願君知七采吳筠云昔在鳳凰閣七采

蓮花莖陸離看寶帳烟漫照銀屏檐豔烟光轉
氣氤霧裏輕能方五三夜桂樹月中生丹焰苑
靖妻沈云綺筵日已暮羅帳月未歸閒花散鶴
彩含光出九微風軒動丹箔水宇淡清輝不佞
輕蛾繞准恐曉蠅飛映蠅范堅云爾乃旋閑房
升玉榻列華繁鏤凝蠅浮炷穎其始燃秘闈於
是乃闈旁映文楹仰暉丹栊赫如蠅蠶吐輝爛
若駢陽復旭星布孫惠云擘若雲停爛已星布
映蠅支曇諦云既明遠理亦弘近教千燈何輝

百枝並曜飛烟清夜流光洞照見形悅景吾旨

測妙

四盤

庾信云百枝同樹四照連盤香騰然

密氣雜燒蘭燼長宵久光青夜寒

宋燼

庾信云

輝輝朱燼焰焰紅燄

元微

簡文帝云九微間吐

百枝交布聚類炎洲踈同火樹蘭膏馥氣芬炷

擎心寒生色淺露染光沉

並

江惣云百花疑

吐夜四照似合春有的連星出亭亭向月新採

珠非合浦贈珮異江濱若任扶桑路堪言並日

輪

厭生孟郊云燈前双舞蛾厭生何太切想爾

飛來心飛明不飛滅天若百尺高應去掩明月
長明 羅隱云破暗長明世代深煙和香氣兩沉
沉不知初點人何在只見當季火至今曉似紅
蓮開沼面夜如寒月鎮潭心孤光自有龍神護
雀戲飛蛾不敢侵

燭

燧取 周禮云司烜氏以燧取火供祭祀之明燭
庭燎 說文云庭燎大燭也
不熄 禮記云嫁女之
家三夜不息燭思相離也
夜行 禮記云男子入

內女子出門夜行以燭無燭則止

求幽

禮記云

治國而無禮譬如終夜有求於幽室之中非燭

何見

禮記

禮記云上

元跋注跋燭本

聚殘本客見之知夜滄滄而居主人倦也

木蓼

陸士衡云木蓼擣爲燭明知胡麻燭

益明

王符

云隅燭之施明子幽室也前燭則盡照矣後燭

而益明二者相因以成大光

國

抱朴子云夫

明燭宵舉則飛蟲群赴

人魚

史記云始皇塚中

以人魚膏爲燭

交戴

地鏡圖云見美女戴燭行

陰從其出入處有美玉燧燭開元遺事云寧王

夜禁有獻燭非蠟非脂酒酣狂作則昏暗否則

明火城國史補云京師歲旦晚漏前宰相三司

使大金吾皆以燐燭百炬擁焉方布如城謂之

火城紀綱韓詩外傳云楚莊王賜群臣酒日暮

燭滅有牽茅人衣者美人援絕其冠纓告王王

曰人醉失禮柰何欲顯婦人之節而辱士乎乃

命群臣皆紀纓然後上燭朝明尚書大傳云晉

平公問師曠曰吾年七十欲學恐已暮師曠曰

臣聞老而學者如執燭之明執燭之明孰與昧
行公曰善爲說苑云齊桓公設鹿燎爲士之
欲造見者期年而士不至求野即人以九九之
術見桓公曰九九足以見乎對曰臣爲是足以
見也聞主君設鹿燎以待士期年而不至夫士
所以不至君天下賢君也四方之士皆自謂不
及君故不至也夫九九薄能耳而君猶禮之况
賢於九九者桓公曰善禮之期日而士至書
韓子云鄭人有造燕相國書者夜謂持燭者曰

舉燭而誤書舉燭燕相受書曰舉燭高明高明

者舉賢而任之

不繼

後漢書云巴祗爲揚州刺

史與客坐關中不然官燭

照夜

後魏書云甄琛

舉秀才入都常奕基通夜令蒼頭奴常執燭睡

則加杖奴曰即君若讀書執燭不敢辭罪今博

奕何事也琛慙遂更習經史

斷帶

先賢傳云皇

甫無逸按部宿民家燈炷盡主人將續之無逸

抽刀斷其帶以繼焉

刻燭

南史云蕭文琰任令

指江拱並以文稱竟陵王夜集賦詩約四韵刻

燭一十文琰曰何難之有乃與江拱共擊鉢

韻響絕而成**破柱**史記云顏叔子獨居一室夜

大雨比屋舍崩一女投之叔子令女執燭燭盡

乃破屋柱續至明不貳**分光**史記云甘茂亡秦

奔齊逢蘇代爲齊使秦茂曰臣聞貧人女與富

人女會績貧人女曰我無以買燭而子之燭光

幸有餘願分我餘光無損子明而得一使焉今

臣困而君方使秦茂之妻子在焉願以餘光振

之**穿壁**西京雜記云匡衡勤學而無燭隣舍有

燭光穿壁引其光以書映而讀之燭奴世說云

石季龍以蠟燭代薪而炊蠟液唐書云柳公權

爲翰林學士常夜召對于亭燭寂而語未盡宮

人以蠟液濡紙繼之蓮炬唐書云令狐綯爲翰

林承旨夜對禁中燭盡以金蓮花炬送還院吏

皆驚燭奴天寶遺事云中王以龍檀木刻童子

綠衣束帶每遇夜集列執蠶燭謂之燭奴燭奴

開光遺事云楊國忠每家晏使每婢執一燭四

行立呼爲燭圍又長安後記云常涉家晏使每

婢執一燭四行立人稱燭圍

燭圍

續世說云五

代淮南王渥居喪晝夜酣飲樂然十圍之燭以

擊毬一燭費錢數萬

燭圍

記聞云韓魏公師定

武時夜作書令一侍兵執燭于傍兵他顧燭燃

公鬚遂以袖揮之而作書如故少頃回視已易

其人公恐主吏鞭之亟呼勿易渠方解持燭矣

蘭膏 宋王云蘭膏明燭注以蘭漬膏取其香也

畫影 謝朓云杏梁窠未散桂宮明欲沉暖色輕

帷裏低光照寶琴徘徊雲鬢影灼鑠綺躡金根

君秋月夜遺我洞房陰

鶴燈

梁元帝云魚燈且

戒燼鶴焰暫停輝自有御龍燭青火入朱扉

同

心簡文帝云搖同心之明燭施雕金之麗繁眠

龍傍繞倒鳳雙安菖蒲傳酒坐欲闌碧玉舞罷

羅衣單影度臨長枕煙生向果盤迴照金屏裏

脉脉兩相看

隱身

劉孝綽云日下房櫳閨華燭

命佳人側光全照局廻花半隱身

火樹

傅玄云

元正始朝享萬國執珪璋枝燈若火樹庭燎繼

天光

炎形

傅玄云煌煌丹燭焰焰飛光取則龍

景擬象扶桑照彼云夜炳若朝陽焚形監世無
隱不彰 **蝶拂** 張景暘云飛蛾拂明燭 **附炎** 賀方
回云鬼蛾來翩翩慕此堂上燭附炎竟何功自
取焚如酷感彼萬動微保生在無欲不見青林
蟬飲風聊自足 **下疾** 唐太宗云焰聽風來動花
開不待春鎮下千行淚非是爲思人

火

化物

釋名云火化物也亦言燬物入即毀壞也

陽精

春秋考異郵云火者陽之精 **作燧** 譙周古

史考云古者茹毛飲血燧人氏初作燧火人始

燔炙

錯木

河圖云伏羲錯木作火

君象

白虎通

云火陽也君之象也非木不榮

赫曦

黃帝內經

云火過曰赫曦不及曰伏明

修利

禮記云昔先

王未有火化後堊有作修火之利范金合土以

炮以燔以烹以炙

委隨

元命包云火之爲言委

隨也故其立字人散于者爲火

火名

說文云燠

蒸火也煨盆中火也燦火飛也頻爚火光也

方

陽

詩云燎之方陽寧或滅之

炎生

書云火曰炎

上炎上作苦**燥**物易云燥萬物者莫熯乎火**不**

親禮云火之於人也尊而不親**燎**原書云若火

之燎于原不可向**通****司燹**周禮云司燹氏以陽

燹耿火於日**司燹**周禮云司燹掌火之政令季

春出火季秋納火**就燥**易云火就燥**回**左傳

云鄭子產襪火于玄冥回祿注玄冥水神回祿

火神也**陽遂**淮南子云陽遂見日則燹而爲火

章施尚書云藻火粉米以五采章施於五色作

服**紀官**左傳云炎帝以火紀官故爲火師而火

名又云陶唐氏之火正闕伯居商丘

火精

白澤

圖云火之精宋無忌

火穴

括地圖云神丘有火

穴光照千里

炎山

玄中記云南方有炎山在扶

南國之東加營國之北諸薄國之西山從四月而火生十二月火滅正月二月火不然山上但出雲氣而草木生葉枝條至四月火然草木葉落如中國寒時草木葉落也行人以正月二月三月行過此山下取此木以爲薪燃之無盡時取其皮績之爲火浣布

炎洲

十洲記云炎洲在

南海中地方二千里去崖九萬里上有生獸似
豹青色大如狸張取之積薪數車以燒之薪盡
而此獸在火中燃其毛不焦斫刺不入打之如
皮囊以鉄推鍛其頭數十下乃死以其口向風
須臾便活而起以石上菖蒲塞其鼻即死取其
腦菊花服之盡十斤得壽五百歲

火獸 十洲記

云有火林山山中有火獸大如鼠毛長三四寸
或曰山可百里許取其獸毛績以爲布名曰火
澣布國人衣服之此布垢汙以水浣濯之終日

不潔以火烧布兩食久許出其垢即去白如雪
又山海經云獸人國有獸黑色火出其口中

出

春秋潛渾巴云火從井出有賢士從人起注

大明賢者象賢者屈滯象從井出

籍脂

山海經

云嵒山有鳥狀如鵝而赤身白首名曰籍脂可

以衛火又云符愚之山有鳥名鶴其狀如翠而

赤喙可以衛火

燧木

拾遺記云燧明國不識四

時晝夜有火樹名燧木屈盤萬傾有鳥名鵝喙

樹則燦然火出

雨

山海經注云火山國雖經

霖雨火常燃火中有白鼠毛可作布敝則火浣

之役新口

山海經云厭火國人首獸身口中

吐火

老槐

莊子云老槐生火久血爲燐人弗怪

也注燐野火

稿竹

淮南子云稿竹有火弗鑽不

燃土中有水弗掘無泉

得

漢書五行志云舜

舉群賢而命之朝遠四佞而放諸野賢佞分別

官人有序如此則火得其性矣

失

劉向云棄

法律則火不炎上讒夫冒邪勝正則火失其性

若

戰國策云楚王遊雲夢野火之起也若雲

寬

火攻 孫子云兵法曰凡火攻有五一日火人

二曰火積三曰火輪四曰火庫五曰火隧

積油

博物志云積油萬石則自然生火秦始皇中武庫

火積油所致也

火積

春秋繁露云若人君惑於

讒邪內離骨肉外踈忠臣咎及於火則大旱必

有火災

不炎

春秋繁露云火不炎上秋多電由

王者親不明也

焚燹

國語云火焚其燹器由王

者殘棄五則注則常也

焚燹

韓非子云丈人之

慎火也塗其隙白圭之行堤也塞其穴故丈人

無人難白圭無水患**池**風俗通云城門失火

禍及池魚案百家書宋城門火汲池中水沃之

魚露盡獲或云一司門尉姓名死於火**爲**史

記云武王渡河而火自上復下至王屋流爲烏

其色赤**行**韓非子云魯燒積澤天北風恐燒

國哀公惧自將衆趨救之人不救火盡逐獸乃

問仲尼對曰逐獸者禁而無罰救火者苦而無

賞此火所以不救也請從刑罰乃下令曰不救

火者比降比之罪令下未遍火已滅矣**宣**左

傳云成周宣榭火人火之也人火曰火天火曰

災

化雀魚豢典畧云秦伯出獵至咸陽有火鳥

流下化爲白雀啣綠卅書集于公車

白鷗

拾遺

記云晉文公焚林以求介子推有白鷗繞煙而

噪或集介子之側火不能焚晉人嘉之爲立臺

號曰思煙

後燿

呂氏春秋云齊桓公使人告魯

曰管夷吾寡人之讐也願生得之魯君許諾乃

膠其目置之匣中至齊境桓公以朝車迎之祓

以燿火

禘

左傳云禘竈言於子產曰宋衛陳

鄭將同日火若用瓊華玉璣禳之鄭必不火子
產弗與注天災流行非禳所息行賞韓非子云
越王問大夫種曰吾欲伐吳可乎對曰可矣試
焚宮室民莫能救火乃下令曰民之救火而死
者比死敵之賞民之塗其體被濡衣走火者左
二千人右三千人斫樹史記云龐涓追孫臏臏
量其行暮當至馬陵道仍伏兵斫樹而書之曰
龐涓死此樹下於是令齊軍萬弩夾道暮火舉
而俱發涓夜至見白書乃舉火燭之讀畢萬弩

俱發龐涓大敗

藏臺

韓詩外傳云晉平公藏臺

焚救火三日夜乃止公子晏束帛賀曰王者藏
于天下諸侯藏于百姓農夫藏于困庾昔桀紂
殘賊爲天下戮今皇天降災于藏臺君之福也

焦土

漢書云項王西屠咸陽殺秦降王子嬰焚

其宮室火三日不滅故杜牧云楚人一炬可憐

夜驚

史記云陳勝吳廣夜篝火狐鳴呼曰

大楚興陳勝王

束繻

史記云里婦夜忘肉姑以

爲盜而逐之婦過所善諸毋語云故里毋就束

緇請火于忘肉家曰昨暮犬得肉爭鬪相殺夜
請火治之忘肉家遂追還其婦**獸災**漢書郊祀
志云伯梁火粵人勇之言粵裕有火災復起大
屋勝獸之于是作建章宮千門萬戶**起死**列女
傳云梁姑姊室火兄子與二子在內欲取兄子
輒得其子火盛不得入曰是豈可告人曉邪被
不義之名何面見兄弟國人哉遂赴火死**儲水**
東觀漢記云廡范爲成都守地迫屋狹百姓夜
作以供衣食不禁火民復弊之失火者日屬范

令夜作但使儲水百姓皆悅

推家

東觀漢記云

梁鴻牧豕長安上林苑中失火延人家問所燒財物悉推豕償之其主言少鴻願以身作躬執甚勤

反風

劉琨傳云琨除江陵令時縣境連年

火災琨輒每火琨輒向之叩頭即反風火滅詔

問反風滅火虎北渡河何以致此琨曰偶然帝

曰此長者之言也

伏棺

東觀漢記云郅恽爲長

沙有義士古初遭父喪未葬隣人火起及舍棺不可移初冒火伏棺上火隨滅

竈載

搜神記云

麋竺常從洛歸未至家路次有好婦從竺求寄
載行二十餘里婦謝去謂竺曰我天使去當往
燒東海麋家感君見載故以相語竺因請救不
許曰不得不燒君疾行我緩來竺乃急達家出
財物日中火大發永熒漢書云惠師後王姑句
家矛端生火譬取曰矛端火兵氣也永熒後魏
書云祖瑩好學以晝繼夜父母恐其成疾禁之
然火讀書瑩以衣被蔽塞其窓戶恐爲家人所
覺永熒梁書云阮孝緒家貧僮妾竊隣人樵以

繼覺孝緒知之不食更令撤屋而炊

釋

晉書

云佛圖澄嘗與石季龍升中臺澄忽驚曰幽州

大火取酒噀之徐云救已得矣季龍遣驗幽州

報云適日火四門起急雨從西南來滅之雨頗

有酒氣又汝南先賢傳云郭憲從南郊舍酒東

北三噀云齊失火以屭之後齊果上火事

烏

拾遺記云到寄字君珍喪親盡禮去墓百里夜

行嘗有鳥噉火夾之

列

晉書云張華爲司空

大庫火華懼趙王倫變作列兵固守然後救之

故累代之寶及王莽頭孔子履盡焚見漢高斬

蛇劍穿屋飛去

獻光

宋書云晉惠帝永興元年

成都王代長沙每夜戈戟鋒有火光如懸燭

熒

禱

晉書云韓康家貧年數歲天寒母爲作襦令

伯捉熨斗謂之曰且着襦尋當作復禪伯曰不

復須母問其故對曰火在斗中而柄尚熱今旣

着襦下亦當暖

繫鷄

晉書云殷浩北伐江道爲

長史取數百鷄以長繩連足皆繫火一時驅放

過塹集敵營皆燃

火羅

杜陽編云唐順宗朝拘

彌國貢却火錐遇烈火錐之即滅火鳥杜陽編

云唐順宗朝拘彌國貢二鳥純黑色似燕聲清

厲不類常鳥置於火中即火自散去雀列仙

傳云陶安公冶師也數行火火旦散上紫色衝

天須臾朱雀止台上曰安公安公冶與天通空

灰神仙傳云姚光有火術令吳王積荻千束焚

之荻了火盡光恬坐灰中振衣而起撥爐傳燈

錄云百丈謂鴻山師曰汝撥爐中有火否師云

無百丈躬起深撥得火舉以示之云此不是火

師遂悟

五色

列仙傳云竊封子黃帝陶正掌火

能作五色烟

看米

庾肩吾云風前細烟起月裏

黑雲生發焰看喬木侵光識遠城

陽暉

潘尼云

覽天火之至周嘉火德之爲貴含太陽之靈暉

体淳剛之正氣

制禮

潘尼云揚聲發怒則雷霆

之威也明照遠鑒則日月之輝也甄陶品物則

造化之制也濟育群生則天地之惠也是以聖

人擬火以制禮

憑薪

戴逵云火憑薪以傳燄人

資氣以享年苟薪氣之有竭何年燄之恒延

煙

坊

顏延之云火含煙而煙妨火桂懷蠹而蠹殘

桂然火勝則煙滅蠹壯則桂折

震

梁簡文帝

云浮空覆維影合樹密花勝乍如落霞發頗類
巫雲生暎光飛百仞從風散九層欲持翡翠色
時出鯨魚燈

張

張正見云茅蘭夾兩岸野燎

燭中川村長合夜影水狹度浮煙收光暗烏弋
分火照漁舡山人不炊桂樵華幸共然

香爐

安

漢官典職云漢尚書郎給端正侍女史二

人潔衣服執香爐燒燻從入臺中

九層

西京雜

記云長安巧工丁諤作九層轉山香爐奇禽怪

獸自然能動

金鑲

鄴中記云石季龍冬月爲複

帳四角安純金銀鑿鏤香爐

四周

西京雜記云

長安巧工丁諤者作被中香爐本出房風爲機

發環轉運四周自然能動

鵲尾

冥祥記云費崇

先少信佛法常以鵲尾香爐置膝前

廁還

襄陽

記云劉季和性愛香嘗上廁還過香爐上主簿

張坦諛之季和曰苟令君坐處三日香謂我如

何坦曰美婦人捧心顰眉見者皆以爲好其隣
醜婦法之見者走公欲使下官走耶季和大笑
以是知坦

筮尖

集異記云吳郡吳泰能筮會稽

盧氏失博山爐使泰筮之曰質雖爲金其象實
山有樹非林有孔非泉此香爐也語其處求得

之

烟鷓古詩云誰能爲此噐公輸與魯班朱火

然其中青烟颺其間順風入君懷四坐莫不歡
香風難久居空令蕙草殘

青煙

劉向云嘉此正

噐嶄岩若山上貫太華承以銅盤中有蘭綺朱

火青煙合熏劉繪云紫色何雜絲繡更相解

麤麤或騰傍林薄香芋錦掩華終不發合熏未

杳然風生玉階樹露湛曲池蓮寒蟲蜚夜室秋

雲沒曉天肉醴昭明太子云寫嵩山之巔從象

御林之芋綿於時青煙司寒紅光翳景翠帷已

低蘭膏未屏炎熒肉曜苾芬外揚似慶雲之程

色比景星之舒光火微元帝云蘇合氤氳非煙

若雲時穠更薄乍聚還分火微難盡風長易聞

孰云道力慈悲所熏莊嚴傳釋云麝火埋朱蘭

煙毀黑結楸危峯橫羅雜樹寒夜含暖清霄吐
霧蘭煙沈約云百和清夜吐蘭煙西向克如彼
崇朝氣觸石繞華嵩